

女科準繩

雜症

二之下

走注痛 頭目眩暈 頭痛 心痛
 心腹痛 小腹痛 項筋強痛 兩脇脹痛
 腰痛 腰脚疼痛 臂痛 脚氣 癢疹瘙痒

特別
 79
 244
 6



門 武 9
號 244
6

醫 仁 堂

第三十卷 走疰痛

天夫人體虛受風邪之氣隨血而行或淫易皮膚

卒然手足痛遊走無有常處故名為走疰也加減小續

命湯重之 薛東垣云若人身體沉重走疰疼痛此

濕熱相搏或風熱鬱而不得伸附著於有形也是證

多因飲食起居失節或因七情勞役失宜脾胃虧損

腠理不密外邪所侵以致內熱晡熱自汗盜汗或經

候不調飲食不甘治法濕熱腫痛者清燥湯雜病傷暑兼

痰佐以二陳湯雜病痰飲肝火作痛者加味道遙散脾鬱

作痛者加味歸脾湯血虛作痛者四物湯氣虛作痛

走疰痛

者四君子湯氣血俱虛者八珍湯俱加羌活川芎月
經先期而痛者加味道遙散頭眩倦怠而痛者補中
益氣湯大抵按之痛甚者病氣實按之痛緩者元氣
虛勞役而痛者亦元氣虛也飲食失宜而痛者脾氣
虛也惱怒而痛者肝火盛也若晝輕而夜重者血分
病也 一婦人歷節發熱作渴飲食少思月經過期
其脉舉之洪大按之微細用附子八物湯四劑而痛
止用加味道遙而元氣復用六味丸而月經調 一
婦人體肥胖素有熱月經先期患痛風下體微腫痛
甚則小便頻數身重肌緩此風濕血虛有熱用羌活
勝濕湯二劑腫痛漸愈用清燥湯數劑小便漸清用
加味道遙散內熱漸愈又為飲食停滯發熱仍痛面
目浮腫用六君加柴胡升麻而愈又因怒氣小腹痞
悶寒熱嘔吐用前藥加山梔木香而安惟小腹下墜
似欲去後此脾氣下陷用補中益氣而愈後因勞役
怒氣作嘔吐痰遍身腫痛經行寒熱此肝木侮脾土
用六君加柴胡山梔腫痛嘔吐悉退後用補中益氣
而安 一婦人飲食少思畏風寒患痛風嘔吐寒熱
脉弦緊用附子八物湯而四肢痛愈用獨活寄生湯
而腰痛漸痊惟兩膝腫痛用大防風湯而痛漸愈用

歸脾逍遙而元氣復

沒藥散 治婦人血風走疰肢節疼痛發時來往不

定

沒藥 另研

乳香 另研

芫蕒

當歸 炒去蘆

桂心

漏蘆 去蘆

木香 各半

白芷

琥珀 另研

地龍 去土微炒 各柒錢半

安息香 另研

麝香 另細研 各貳錢半

為細末入研藥拌勻每服壹錢温酒調下不拘時

琥珀散 治婦人血風走疰疼痛來往疼痛

琥珀 另研

當歸 去蘆

牛膝 酒浸

羌活 去蘆

川大黃 劉微炒各柒錢半

桂心 壹兩

沒藥 另研

血竭 另研

乾漆 炒烟 盡

玄胡索

防風 去蘆

羚羊角屑 各半

右為細末每服貳錢温酒調下不拘時日進貳服

虎骨散 治婦人血風走疰疼痛不可忍

虎脛骨 貳兩 酥炙

乾蝎 炒

琥珀 另研 各半兩

當歸 炒

威靈仙

牛膝 酒浸

羌活 去蘆

桂心 各壹兩

漏蘆 去蘆

芫蕒

沒藥 另研各柒錢半

右為細末每服貳錢温酒調下不拘時候日進貳服

雄黃散 治婦人血風走疰疼痛

雄黃 研水飛 血竭 另研 赤箭

側子 炮去皮臍 桂心 沒藥 另研

木香 白芥子 地龍 炒去土

蚺蜥 各半兩 生用 麝香 貳錢半 另研 烏蛇 貳兩酒浸去皮骨炒微黃

右為細末入研藥更研令勻每服貳錢熱酒調下不拘時候日進貳服

漏蘆散 治婦人血風走疰疼痛無有常處

漏蘆 當歸 午膝 各叁分

桂心 地龍 去土 防風

羌活 白芷 沒藥 研

甜瓜子 各半兩 虎脛骨 酥炙 敗龜板 醋炙各壹兩

右為細末每服貳錢熱酒調下無時

四生丸 見前

麝香丸 治白虎歷節諸風疼痛遊走不定狀如蟲

齧晝靜夜劇及一切手足不測疼痛

大八角川烏頭 叁枚去皮尖生用 生全蝎 貳拾箇

生黑豆 貳拾粒 生地龍 去土半兩

為細末入麝香壹字同研停糯米糊為丸如菜豆
大每服七丸甚者拾丸夜卧令鬲空温酒吞下微
出冷汗一身便瘥許學士云予得此方凡是歷節
及不測疼痛一二服便瘥在歙州日有一貴家婦
人遍身走注疼痛至夜則發如蟲齧其肌多作鬼
邪治予曰此正歷節病也三服効

芍藥知母湯因三 治諸肢節疼痛身體魁癩脚腫如
晚頭眩短氣温温欲吐

桂心

知母

防風

各肆兩

芍藥

麻黃

去根節

甘艸

各叁兩

附子

貳兩炮

右咬咀每服四錢水壹盞半生薑五片煎七分去
滓空心服 一方有白朮川芎杏仁半夏

附子八物湯

治風歷節疼痛四肢如錐鍛不可忍

附子

乾薑

芍藥

茯苓

人參

甘艸

桂心

各叁兩

白朮

肆兩

右咬咀每服四大錢水貳盞煎七分去滓食前服
一方去桂用乾地黄貳兩

獨活寄生湯

方見雜病腰痛

小續命湯

治白虎歷節痛不可忍

方見雜病中風

陳一婦人先自兩足踝骨痛不可忍次日流上於膝三日流於髀骨甚疼至於肩肩流於肘肘流於後溪或如鎚鍛或如虫竄痛不可忍晝靜夜劇服諸藥無效召僕診之六脉緊予曰此真歷節證也非解散之藥不能愈但用小續命湯一劑而痊又鄧安人夏月亦病歷節痛不可忍諸藥無效召僕診之人迎與心脉虛此因中暑而得合先服酒蒸黃連丸衆醫莫不笑用此藥服一貼即愈自後與人良驗

治婦人血風走疰腰膝骨節疼痛不可忍

附子生

薰陸香

杏仁研

桂心

當歸

芸薹子

芫花

巴豆去皮各壹兩

松脂壹兩半

右為細末鎔黃蠟五兩攪和諸藥捏作片子包裹痛處立効

又方

芫花

桂心各壹兩

漢椒貳兩

桑根白皮叁兩

芸薹子

柳艸屑各伍兩

右為細末用醋一升拌和蒸令熟用青布裏熨痛

處冷卽更入醋蒸用之

治婦人血風走疰腰膝脚膝疼痛

天仙子

川烏頭生

附子生

各壹兩

右為細末以酒煎成膏攤於帛上敷貼痛處多年者不過三上効

頭目眩暈

大婦人頭眩由氣虛風入於腦循脉引於目系目系急而然也邪甚則必顛素問云頭痛顛疾下虛上實過在足少陰巨陽甚則入腎狗蒙招搖目瞑耳聾下實上虛過在足少陽厥陰甚則在肝下虛者腎虛也故腎厥則頭痛上虛者肝虛也故肝虛則暈狗蒙者如以物蒙其首招搖不定目眩耳聾皆暈之狀故肝厥頭痛不同也薛丹溪先生云眩者言其黑運旋轉其狀目閉眼暗身轉耳聾如立舟船之上起則欲倒蓋虛極乘寒得之亦不可一途而取軌也若風則

有汗寒則掣痛暑則熱悶濕則重滯此四氣乘虛而眩暈也若鬱結生痰而眩暈者此七情虛火上逆也若淫慾過度而眩暈者此腎虛氣不歸源也若吐衄漏崩而眩暈者此肝虛不能攝血也有早起眩暈須臾自定者元氣虛也正元飲雜病下黑錫丹雜病傷濕頭暈用腎着湯雜病加川芎有痰用青州白丸子雜病頭風風熱也久則目昏偏頭風相火也久則目緊便澁皆宜出血以開表之竊謂前證肝虛頭暈用釣藤散腎虛頭暈六味丸雜病頭暈吐痰養正丹不應八味丸雜病血虛四苓白木不應當歸補血

湯雜病

氣虛四君歸芪不應補中益氣湯雜病肝木

實瀉青丸雜病

虛用地黃丸雜病不應川芎散脾氣

虛二陳參朮柴胡升麻不應益氣湯加茯苓半夏脾

胃有痰半夏白朮天麻湯風痰上涌四神散發熱惡

寒八物湯雜病

七情氣逆四七湯傷濕而暈除濕湯

雜病

一婦素頭暈不時而作月經遲而少此中氣

虛弱不能上升而頭暈不能下化而經少用補中益

氣湯而愈後因勞什地月經如涌此勞傷火動用前

湯加五味子一劑而愈前證雖云氣無所附實因脾

胃虧損耳

一婦人內熱口乾勞則頭暈吐痰帶下

詳下嘈雜門

養正丹 治虛風頭眩吐涎不已蓋此藥升降陰陽

補接真氣非止頭眩而已

黑鉛

水銀

硫黃研

朱砂研各壹兩

右用建瓯壹隻火上鎔鉛成汁次下水銀用柳杖子打停取下歇少時入貳味打停候冷取下研為粉以糯米軟飯丸如棗豆大每服參拾丸棗湯吞下空心食前日貳服

鈞藤散本 治肝厥頭暈清頭目

鈞藤

陳皮去白

半夏湯洗柒次切片子

麥門冬去心

茯苓去皮

茯神去木

人參去蘆

甘菊花

防風去蘆各半兩

甘草貳錢半炙

石膏壹兩

右吹咀每服四錢水壹盞半生薑七片煎至壹盞去滓熱服日進貳服

獨活散 治婦人風眩頭疼嘔逆身體時痛情思昏

悶

獨活壹兩

白朮去蘆

防風去蘆

細辛去苗

人參去蘆

芩藟

荆芥

各柒錢半

半夏

湯洗柒次切片子

炙甘草

赤芍藥

各半兩

石膏

貳兩

右吹咀每服八錢水壹中盞半生薑七片薄荷七葉煎至壹大盞去滓温服不拘時

川芎散 治風眩頭暈

川芎

山藥

白茯苓

去木

甘菊花

野菊不用

人參

各半兩去蘆

山茱萸肉

壹兩

右為細末每服貳錢温酒調下不拘時候日進叁服

四神散 治婦人血風眩暈頭痛

菊花

當歸

去蘆

旋復花

荆芥穗

各等分

右為細末每服貳錢水壹盞葱白叁寸茶末壹錢煎至七分通口服良久去枕仰卧少時

斗門方 治血風頭旋或不知人事用喝起草嫩心

陰乾為末酒服貳錢其功甚効即前蒼耳散

治頭旋如天動地轉名曰心眩膽礬壹兩細研用麩

餅劑壹箇拌勻勒如骰子大瓦上焙乾每服壹骰

為末燈心竹茹煎湯調下此去痰之法當審而用

之

頭痛

薛東垣云足太陽頭痛脉浮緊惡風寒川芎羌活獨
 活麻黃為主手少陽經頭痛脉弦細往來寒熱柴胡
 為主足陽明頭痛身熱目疼鼻乾惡寒發熱脉浮緩
 而長升麻湯升麻葛根或石膏白芷為主手太陽頭痛有
 痰體重或腹痛為痰癖脉沉緩蒼朮半夏南星為主
 足少陰經頭痛足寒氣逆為寒厥脉沉細麻黃附子
 細辛湯傷寒太陽為主足厥陰頭項痛或吐涎沫厥冷脉
 浮緩吳茱萸湯傷寒吐主之諸血虛頭痛當歸川芎為
 主諸氣虛頭痛人參黃芪為主氣血俱虛頭痛調中

益氣湯

雜病 勞倦

少加川芎蔓荆細辛痰厥頭痛半夏白

朮天麻湯

雜病 眩暈

厥逆頭痛羌活附子湯

雜病 頭痛

如濕氣

在頭者以苦吐之不可執方而治若脉雜亂而病見

不一且補胃為主 一婦人因勞耳鳴頭痛體倦用

補中益氣加麥門五味而痊三年後得子因飲食勞

倦前證益甚月經不調晡熱內熱自汗盜汗用六味

地黃丸補中益氣湯頓愈經云頭痛耳鳴九竅不利

腸胃之所生也故脾胃一虛耳目九竅皆為之病

一婦人兩眉稜痛後及太陽面青善怒此肝經風熱

之證用選奇湯

雜病 頭痛

合道遙散

調經

加山梔天麻黃芪

半夏黃芩而愈此證失治多致傷目或兩耳出膿則

危矣

旋覆花湯

許叔微云婦人患頭風者十居其半每

發必掉眩如在車船上蓋因血虛肝有風邪襲之

爾予嘗處旋覆花湯此方修合服之比他藥甚効

川芎

當歸 去蘆

羌活 去蘆

旋覆花

細辛 去苗

蔓荆子

防風 去蘆

石膏

藁本 去蘆

荆芥穗

半夏麴

乾地黃

甘草 炙各半兩

右咬咀每服五錢水壹盞半生薑五片煎至七分去滓溫服日進貳服

七生丸 治男子婦人八般頭風及一切頭痛痰厥氣厥飲厥傷寒傷風頭痛不可忍者並皆治之

川烏頭

草烏頭

天南星

參味並生去皮

半夏

冷水洗去滑

川芎

白芷

石膏

並生用各等分

右為細末研韭菜自然汁丸如梧桐子大每服七丸加至拾丸嚼生葱茶送下食後日進貳服

陳嘗治鄧安人頭痛如破諸藥無効加此細辛等分全蠶減半為丸服貳拾粒即愈

藥隱老人云若頭痛連齒時發時止連年不已此由風寒中於骨髓留而不去腦為髓海故頭痛齒亦痛謂之厥逆頭痛宜白附子散灸曲鬢穴此穴在耳上將耳掩前正尖上可灸七壯左痛灸左右痛灸右

白附子散

白附子

炮壹兩

烏頭

炮去皮臍

天南星

炮

麻黃

不去根節各半兩

乾薑

炮

辰砂

研各貳錢半

全蠍

炒伍枚

麝香

另研壹字

右為細末每服壹錢溫酒調下不拘時候治頭風痛不可忍

硝石

人中白

腦子 各等分

右研令極細每用一字搐入鼻中

川芎茶調散 治諸風上攻頭目昏重偏正頭痛

薄荷 搗兩

川芎

荆芥 各肆兩

羌活

白芷

防風

甘草

炙各貳兩 細辛 壹兩

右為末每服貳錢食後茶清調下

如聖餅子

和劑

治男婦氣厥上盛下虛痰飲風寒伏留

陽經偏正頭疼痛連腦顛吐逆惡心目瞋耳聾常

服清頭目消風化痰暖胃

防風

生半夏

天麻

各半兩

天南星

洗

川烏

去皮 尖

乾薑

各壹兩

川芎

甘艸

炙各貳兩

為細末湯浸蒸餅和丸芡實大捻作餅子日乾每

服伍餅同荆芥穗參伍莖細嚼茶酒湯任下無時

若頭痛筋攣骨重少氣噦噫腹滿時驚不嗜卧欬嗽

煩冤其脉舉之則弦按之石堅由腎氣不足而內著

其氣逆而上行謂之腎厥頭痛宜玉真丸與硫黃丸

玉真丸

硫黃

研參兩

硝石

貳分

石膏

煨研

半夏

湯洗為末 各壹兩

右研令停勻生薑自然汁打糊圓如梧子大生薑

湯下參拾圓 一方無半夏有天南星

硫黃丸 治頭痛不可忍或頭風年深暴患無所不

治服此除根

硝石

壹兩

硫黃

貳兩

右研令極細滴水丸如指頭大空心蠟茶清嚙下

壹丸百一方云中暑者以冰水服之下咽即洒然

治傷冷以艾湯下

裕陵傳王荆公偏頭疼方云是禁中祕方用生蘆菴

汁蜆殼仰卧注鼻中左痛注左右痛注右或兩鼻皆

注亦可數十年患皆一注而愈

心痛

大夫婦人血氣心痛者由臟腑虛血氣不調風冷邪

氣乘於心也其痛發有死者有不死者成證者心為

諸臟之主而主於神其正經不可傷傷之而痛者名

為真心痛朝發夕死夕發旦死心之支別絡為風冷

所乘而痛者故痛發乍輕乍甚而成證者也 薛前

證若寒邪所傷溫散之飲食停滯消導之肝火妄動

辛平之脾氣鬱結和解之仍與後六證方藥同用

一婦人久患心痛飲食少思諸藥到口即吐予以為

脾土虛弱用白朮一味同黃土炒去土每服壹兩以

米泔煎濃徐服少許數日後自能大飲用三斤餘而安
上舍陳履學長子室素怯弱產後患疥瘡年餘不愈因執喪旬月每欲眩仆一日感氣忽患心脾高腫作疼手不可按而嘔吐不止六脉微細或見其形實誤認諸痛不可補氣乃用青皮木香五味吳茱萸等藥而愈繼復患瘧且墮胎又投理氣行血之藥病雖去元氣轉脫再投參芪補劑不應矣六脉如絲欲絕迎予至診之曰形雖實而脉虛極反用理氣之劑損其真氣故也連投參芪歸朮附子薑桂二劑間用八味丸五日寢食漸甘六脉全復此證若心脾疼痛

時卽服此等藥瘧亦不作矣

大烏藥散 治婦人血氣攻心痛發歇不定

烏藥 桂心

當歸炒 桃仁 青皮

木香各等分

為末每服貳錢熱酒調下

阿魏丸 治婦人血氣攻心疼痛及一切積冷氣

當歸 桂心 青皮

附子炮 阿魏麩裏煨以麩熟為度 白朮

川芎各壹兩 吳茱萸炮 木香

心痛

乾薑各叁分

檳榔

肉豆蔻煨

延胡索

莪茂各壹兩

朱砂細研半兩

右為末先以醋壹升煎阿魏成膏和藥末搗叁百杵丸如梧桐子大每服貳拾丸食前熱酒下

雞舌香散 治男子婦人九種心痛一切冷氣

良薑剉細麻油炒

桂心

赤芍藥各等分

右為細末每服貳錢水壹盞入鹽木瓜叁片同煎七分溫服鹽湯點亦可血氣痼痲痛用熟醋湯調下忌生冷

應痛散 治心脾痛不可忍者婦人脾血氣作心脾

痛尤効前方同只無桂心用醋煎醋湯點亦可

乙丑年春初次女年十五經脉未行初一日心痛如刺吐飲不止脉沉緩弦細以蘇合香丸神保丸沉香丸理中丸訶子散七氣湯皆無効余思之此證非蟲即飲作疾非局方九痛丸則不可遂合與服一二丸即愈矣

陳氏二神丸 治婦人血氣不和作痛不止及下血

無時月水不調

真蒲黃炒

葶撥監炒

右等分為細末煉蜜丸如梧子大每服叁拾丸空

心温酒下如不能飲米飲吞下兩服即止

陳日華抽刀散 治婦人血風血氣等疾武興戎司

機宜侯愷云見一道人用此方療病不一而足遂

以為獻真是奇妙

五靈脂炒壹兩

菝葜

桂心

芸薹子炒各半兩

右為末每服貳大錢酒半盞水半盞煎至八分疾

作熱服

失笑散

見產後心痛

訶子散

見霍亂

亦妙

靈苑方 治婦人卒血氣心痛只用生五靈脂為細

末每服壹錢酒壹盞煎沸熱服

局方四七湯加良薑又沉香降氣湯分心氣飲皆治

心痛良

三方並見雜病諸氣

心腹痛

天婦人血氣心腹疼痛由臟腑虛弱風邪乘於其間
與真氣相擊而痛其痛隨氣上下或上衝於心或下
攻於腹故云血氣攻心腹痛也 薛前證若氣滯血

瘀用沒藥散勞傷元氣用補中益氣湯雜病傷勞倦肝脾

鬱結用四七湯雜病氣怒動肝火用小柴胡湯熱入血室肝

脾血虛用四物湯治通脾肺氣虛用四君子湯雜病虛勞中

氣虛弱用補中益氣湯氣血俱虛用八珍湯即雜病虛勞入

湯物一婦人每怒心腹作痛久而不愈此肝火傷脾

氣也用炒山梔一兩生薑五片煎服而痛止更以二

心腹痛
陳加山梔桔梗乃不再發 一婦人懷抱鬱結不時
心腹作痛諸藥不應 用歸脾湯健忘倍加炒山梔而
愈 陳湖陸小村母久患心腹疼痛每作必胸滿嘔
吐手足俱冷面赤唇麻咽乾舌燥寒熱不時月餘竟
夕不安其脉洪大衆以痰火治之屢止屢作迨乙巳
春發頻而甚仍用前藥反劇此寒涼損真之故內真
寒而外假熱也且脉息洪弦而有怪狀乃脾氣虧損
肝木乘之而然當溫補胃氣遂用補中益氣湯加半
夏茯苓吳茱萸木香一服熟寐徹曉洪脉頓斂怪脉
頓除諸證釋然

三神丸 治室女血氣腹中刺痛痛引心端經行澀
少或月水不調以致疼痛

橘皮

貳兩 焙

當歸

酒浸炒

玄胡索

醋煮 各壹兩

右為細末煉蜜和丸如梧桐子大每服五十九空
心溫酒送下

沒藥散 治一切血氣臍腹撮痛及產後惡露不下
兒枕塊痛

沒藥

血竭

桂心

玄胡索

當歸

蒲黃

紅花

乾漆

炒烟盡

木香

芍藥 各等分

右為細末每服貳錢食前温酒調下

大延胡索散 治婦人血氣攻心腹疼痛

延胡索

當歸

川芎

桂心 各柒錢半

木香

枳殼

赤芍藥

桃仁 各半兩

熟地黄 壹兩

右咬咀每服叁錢水壹盞薑叁片煎至七分去滓

熱服

琥珀散 治婦人血氣攻心腹煩躁悶亂疼痛不止

琥珀

另研

沒藥

另研

當歸 炒

赤芍藥

牡丹皮

延胡索

蒲黃

莪茂

桂心 各等分

右為末每服壹錢温酒調下

瑞金散 治婦人血氣撮痛月經不行預先嘔吐疼

痛

玄胡索

牡丹皮

紅花 各壹錢

片薑黃

貳錢半

赤芍藥

莪茂

川芎

當歸

各壹錢半

官桂

半錢

作壹服水壹鍾酒壹鍾同煎至壹鍾食前服

牡丹散 治婦人久虛羸瘦血塊走注心腹疼痛不

思飲食

牡丹皮

玄胡索

官桂

各壹錢

京三稜

當歸

各壹錢半

莪茂

赤芍藥

牛膝

各貳錢

右煎服法同前

八僊散 治血氣心腹疴痛立驗

當歸

厚朴

芍藥

枳殼

製

人參

各肆分

甘草

茯苓

各伍分

肉豆蔻

貳分

右為末水貳升煮取八合空心分叁服

又八仙散

靈苑

治證同前

棕櫚

貳兩

當歸

壹兩並剉碎一處燒成炭細研

麝香

壹錢細研

右同研令停每服壹錢温酒調下

玄胡索湯 治婦人室女七情所感血與氣併心腹

疼痛或連腰脇甚作搖擗一切血氣經候不調並

宜服之

玄胡索

蒲黃

赤芍藥

片薑黃

當歸

去蘆各壹錢半

乳香

木香

不見火

官桂

不見火

沒藥

各壹錢

甘草 半錢

右作壹服水貳鍾生薑叁片煎至壹鍾食前服

大効琥珀散 靈苑

治婦人心膈迷悶腹臑撮疼痛

氣急氣悶月信不調等疾

烏藥

莪茂 各貳兩

當歸 壹兩

右並生為細末温酒調二錢服服後以食壓之忌

生冷油膩等物如是產後諸疾炒生薑酒調下

治血氣不調臍下痛

桑耳

菴藷子

桂心

土瓜根

川芎 各肆分

甘艸 貳分

牛膝

赤茯苓 各五分

大黃

白芍藥 各陸分

乾地黄 捌分

右為末煉蜜丸如梧桐子大醋湯吞下貳十九

蠲痛散 治婦人血氣刺痛

荔枝核 燒存性 半兩

香附子 去毛炒 壹兩

右為細末鹽湯米飲調下貳錢不拘時候

沒藥散 治婦人血氣疼痛不可忍 山博濟方

紅花

沒藥 研

延胡索 炒

當歸 各等分

右為末每服貳錢童便半錢酒半錢同煎至六分

心腹痛 女科二 重五

熱服用燒赤秤錘淬過調服亦可常服只用溫酒

菖蒲丸 治婦人脾血積氣及心脾疼

菖蒲九節者 陸兩 吳茱萸炮 香附子炒去毛 各肆兩

右三味並剉細以醞醋五升煮乾為度焙乾研細

末以好神麩打糊為丸如梧桐子大空心食前以

淡薑湯吞下四五拾丸日參服橘皮湯下亦好

手拈散 治血氣心腹疼痛

草菓 玄胡索 五靈脂

沒藥各等分

為末每貳錢溫酒調服

木香枳朮丸 破滯氣消飲食開胃進食消化痰涎

木香 枳實炒各壹兩 白朮貳兩

右每服五錢薑棗水煎服

木香化滯湯 治脾胃虛弱飲食停滯腹脹作痛或

心下痞滿不思飲食若憂怒飲食而致者尤宜用

之

木香 紅花各叁錢 橘皮

當歸尾 枳實炒各貳錢 柴胡肆錢

草豆蔻 甘草炙各半兩 半夏壹兩

右每服叁五錢薑水煎服

心腹痛 女科二 重五

心月... 九和... 百三...

小腹痛

天婦人小腹疼痛者此由胞絡之間風有風冷搏於
 血氣停結小腹因風虛發動與血相擊故痛也薛
 前證若氣寒血結用威靈仙散氣滯血凝用當歸散
 肝經血虛用四物湯通治加參朮柴胡肝經濕熱用龍
 膽瀉肝湯雜病淋肝脾氣虛用六君子湯雜病虛勞加柴胡
 芍藥肝脾虛寒用六君子加柴胡肉桂若兼嘔吐加
 木香四肢逆冷再加炮薑通府張孟威云其妹小
 腹痛服附子理中湯附子服過八十餘枚此乃沉寒
 痼冷之甚不多有者

小腹痛... 百三...

大威靈散 治婦人久冷氣滯血刺小腹疼痛

威靈仙 壹兩

當歸

沒藥

木香

桂心 各半兩

右為細末無時熱酒調下壹錢服忌茶

當歸散 治婦人久積血氣疔刺小腹疼痛四肢無

力不能飲食

當歸 炒

赤芍藥

劉寄奴

沒藥

枳殼

延胡索 各等分

右為細末熱酒調下壹錢無時候

追氣丸 治婦人血刺小腹疼痛不可忍

芸薑子 微炒

桂心 各壹兩

良薑 半兩

為細末醋糊丸如梧桐子大每服五丸不拘時淡

醋湯下常服補血虛破氣塊甚有效

石灰散 治婦人血氣痛不可忍者陳五婆方

右取猪貼脊血半盞於湯上煖用杖子攪停後用

石灰於火上燒令黃為末羅過灰壹錢同血攪停

放溫服立愈

予嘗用紫金皮為細末醋糊丸如櫻桃大又治婦人

血氣小腹疼痛以溫酒磨下壹丸及有心腹痛者

亦良

吳茱萸湯 治婦人素虛又為風冷乘氣停滯腹脇刺痛

吳茱萸 湯洗

當歸 去蘆各 貳錢

桔梗 去蘆

細辛 去苗

防風 去蘆

乾薑 炮各 壹錢

熟地黃 貳錢 半

甘草 炙半 錢

右作壹服水貳鍾煎至壹鍾空心服

椒紅丸 治婦人血氣不調臟腑積冷臍腹疔痛肌體日瘦

椒紅

沉香

當歸 去蘆

訶梨勒 煨去核

蓬朮

附子 炮去皮臍

白朮 各壹兩

肉豆蔻

良薑

丁香 各半兩

麝香 另研 貳錢半

右為細末煉蜜和丸如梧子大每服參拾丸空心用溫酒送下

大腹皮飲 治婦人血癖單腹痛

大腹皮

防己

木通

桑白皮

厚朴

瓜蒌

黃芪

陳皮

枳殼 麸炒

大黃 蒸各壹錢

青皮 壹錢半

五味子 半錢

右作壹服水貳鍾煎至壹鍾入酒半盞再煎一二

婦科
卷二
百三十一
沸去滓食前服

項筋強痛

陳良甫云婦人項筋拘攣強痛每得此疾療之似易而實難然方冊中所載亦少縱有言之議論亦畧以予考之然既有是疾必有是方何古人言此疾證尚且略又無的然之論詳之必是挾諸疾而生所以絕無專門予因暇日撫古名方以備檢閱然自明學識淺鄙未必全備博學之士見其遺缺尚冀補而完之夫頸項之處乃屬足太陽膀胱之經又許太學云是足少陰腎之經蓋腎與膀胱為表裏故也以感外邪論之則有太陽經先因感風又感寒濕致令外證

發熱惡寒與傷寒相似頸項強急腰身反張如中風
狀瘕瘕口噤其身體凡古人以強直為瘕其脉沉
遲弦細新產血虛多汗出喜中風亦有此證詳見產
後中風茲不贅錄 又有挫枕轉項不得者與三五
七散追風散仍與急風散搽項上 若因被風吹頭
目昏眩太陽并腦俱痛項背筋脉拘急可與蝎附散
都梁丸 許太學治項筋強痛不可轉側以木瓜煎

薛前證若因肝木自旺用瀉青丸 頭痛精血不足六

味丸雜病風熱淫肝加味道遙散調經怒動肝火加味

小柴胡湯虛勞肝經血虛加味四物湯即四物加柴

腎不能生肝六味丸胸膈氣滯羌活勝濕湯雜病

大抵肝火旺則肝血虛而筋燥頸項強急或腰背反

張或四肢攣拳或頸項等處結核 一婦人耳內或

耳後項側作痛寒熱口苦月經不調此肝膽經火兼

傷脾胃用四君加柴胡升麻黃芪芍藥而愈後因勞

役怒氣嘔吐脇脹用六君子湯加山梔柴胡而安

一婦人因怒寒熱作渴左目緊小頭頸動掉四肢抽

搐遍身疼痛此血虛肝熱則生風也用加味道遙加

釣藤鉤數劑諸證漸愈又用八珍湯而痊

追風散 治年深日近偏正頭疼又治肝臟久虛血

氣衰弱風毒之氣上攻頭痛頭眩目暈心忪煩熱
百節痠疼腦昏目痛鼻塞聲重項背拘急皮膚瘙
痒面上遊風狀若蟲行及一切頭風兼療婦人血
風攻症頭目昏痛皆治之

川烏

炮去尖
皮臍

防風

去蘆

石膏

煨

川芎

甘草

炙

荆芥穗

白僵蠶

炒去絲
各壹兩

天南星

炮

羌活

天麻

地龍

白附子

炮

全蝎

去尾針

白芷

各半
兩

草烏頭

炮去皮
臍尖

沒藥

研

乳香

研

雄黃

研各貳
錢半

右為細末每服半錢入好茶少許同調食後及臨
卧服常服清頭目利咽膈消風化痰

急風散

草烏頭

參兩一半燒存性於酒
內蘸令冷餘一半生用

丹砂

另研壹
兩水飛

黑豆

貳錢伍分同草
烏一處為末

麝香

另研
貳錢半

右為細末入研藥勻停酒調塗痛處

蝎附散

治一切風邪頭痛夾腦風痰涎壅盛嘔逆

惡心口吐清水暗風旋暈眼見黑花牙關緊急口
眼喎斜面目瞤動頭項拘急肩背引疼耳痒目昏
四肢麻木及沐浴出暴感風邪頭目昏痛兩太陽

疾遠年頭風服諸藥無効並皆治之

全蝎 炮

雄黃 水飛

硃砂 各壹錢半 水飛

附子 炮去皮臍

川烏頭 炮去皮臍

麻黃 去節

天南星 薑製

防風 去蘆

白殭蠶 炒各叁錢

藁本 去蘆土

白芷 各半兩

右為細末每服半錢葱茶調下食後孕婦不可服
京城之醫用此藥兼嚼如聖餅子治眼羞明多
淚見物不明有効 一方用白附子蝎稍
木瓜煎

宣州木瓜 貳枚切頂作蓋剝去瓤

沒藥 貳兩 另研

乳香 貳錢半 另研

右二味入木瓜中用蓋子合了竹簽定之飯上蒸
三四次爛研成膏子每服三匙生地黄汁半盞無
灰好酒二盞調和服之 有人患此病自午後發
黃昏時定予曰此患必先從足起經言十二經絡
各有筋惟足下少陰之筋自足至頭大抵筋者肝
之合也日中至黃昏天之陽陽中之陰也又曰陽
中之陰肺也自離至兌陰旺陽弱之時故靈寶祕
法云離至乾腎氣絕而肝氣弱肝腎二臟受陰氣
故發於是時予授此方三服而愈

餘證治論方俱詳雜病本門

兩脇脹痛

大夫婦人兩脇脹痛者由臟腑虛弱氣血不調風冷之氣客於腸胃傷於胞絡之間與血氣相搏壅塞不宣邪正交爭衝擊故令兩脇脹痛也薛東垣先生云胸脇作痛口苦舌乾寒熱往來發嘔發吐四肢滿悶淋洩便難腹中急痛此肝木之妄行也竊謂前證若暴怒傷血用小柴胡芎歸山梔氣虛用四物參朮柴梔若久怒傷氣用六君芎歸山梔若氣血俱虛用六味地黃丸若經行腹痛寒熱晡熱或月經不調發熱痰咳少食嗜卧體痛用八珍柴胡丹皮若脇脹發

熱口渴唾痰或小便淋瀝頸項結核或盜汗便血諸
血失音用六味丸若兩脇作脹視物不明或筋脉拘
急面色青小腹痛或小便不調用補肝散若槩用香
燥之劑反傷清和之氣則血無所生諸證作焉丹溪
先生云右脇痛用推氣散小龍薈丸當歸龍薈丸控
涎丹抑青丸十棗湯皆病氣元氣俱實之劑用者審
之 一婦人性急吐血發熱兩脇脹痛日晡益甚此
怒氣傷肝氣血俱虛也朝用逍遙散倍加炒黑山梔
黃蘗貝母桔梗麥門冬夕以歸脾湯送地黃丸而愈
一孀婦內熱晡熱肢體痠麻不時吐痰或用清氣

化啖藥喉間不利白帶腹脹用行氣散血藥胸痛不
利肢體時麻此鬱怒傷肝脾而藥益甚也予則朝用
歸脾湯以解脾鬱生脾氣夕用加味道遙散以清肝
火生肝血百餘劑而愈後因怒飲食日少肢體時麻
此乃肝火侮土用補中益氣加山梔茯苓半夏而痊
又飲食失調兼有怒氣肢體麻甚月經如注脉浮洪
而數此脾受肝傷不能統血而致崩肝氣虧損陰血
而脉大繼用六君加芎歸炮薑而血崩止又用補中
益氣加炮薑茯苓半夏而元氣復更用歸脾湯逍遙
散調理而康

靈寶散 治婦人血氣攻刺痛引兩脇

丁香

木香

乳香

玄胡索

當歸

白芍藥 各等分

右為細末每服貳錢食前温酒調下

草豆蔻散 治婦人脾胃虛氣攻兩脇脹痛

草豆蔻

訶子肉 各壹兩

桂心

苦梗

厚朴 各叁分

甘艸 壹分

川芎

當歸

乾薑

檳榔 各半兩

右為粗末每服肆錢水壹盞煎取柒分去滓食前熱

服

菴藺子散 治婦人臟腑虛冷宿氣攻兩脇脹痛

坐卧不安

菴藺子

延胡索

桃仁

琥珀

當歸

桂心 各壹兩

赤芍藥

木香

沒藥 各半兩

右為末每服貳錢温酒調下

人參紫金丸 治婦人榮衛不和心腹刺痛胸膈脹

滿不進飲食

紫金皮

蒼朮

石菖蒲 各壹兩

香附子 貳兩

人參 半兩

木香 叁錢

右為末米糊丸如梧子大食後薑湯吞下叁拾丸

氣針丸 治久積風壅踈利氣滯空胸膈止刺痛

木香

青皮 去白

大黃 炮

檳榔 各壹兩

黑牽牛 貳兩半生半炒

右為末煉蜜丸如梧子大溫水下叁拾丸 鄧安

人年五十忽然氣痛投神保丸愈不一二日再痛

再服神保丸六七十粒大腑不通其疾轉甚亦有

要用沉香木香薑桂芍藥而未敢投痛甚則築心

築背築之兩脇似有兩柴十字插定心脇叫聲徹

天召予診之六脉沉伏乍來乍去衆問何如予曰

夫九痛之脉亦可準也但以證辨用藥觀其人質

肥偉問其大腑數日不通余曰實痛也其不必脹

但以人按之痛甚手不可向邇此大實也經云大

滿大實者可下之用氣針丸伍陸百粒是晚愈

又巳未在金陵有家提幹巽內人病心脇脹痛衆

醫投木香沉香檳榔大腹芍藥薑桂之類益甚召

予診之六脉弦緊而和不似病脉但診之時兩手

如火以此知其實痛也衆問如何治療僕曰大凡

心腹刺痛不可便作虛冷治之有二醫荅曰非冷

即何熱即生風冷生氣是也予曰不然難經云虛則痒實則痛又仲景云腹痛者桂枝加芍藥湯痛甚者桂枝加大黃湯提幹曰荆布素弱予曰有可辨處遇痛時使一婢按之若痛止是虛寒證也按之轉甚手不可近此實痛也即令婢按之手不可近叫呼異常予曰此實熱無可疑者當用大柴胡湯治之衆不從予責狀而投之八服愈

論脇肋痛服木通散亦可治男子

心下脇肋少腹疼痛皆素有積寒而溫暖湯散亦可主治甚者以溫藥下之心下與小腹痛諸書並有效

方而脇肋下痛鮮獲治法此

木通散 治脇肋苦痛偏効併心下脇肋并少腹牽

引痛者皆主之

木通

去皮節

青皮

去白

川棟子

去皮核各壹兩

以上三味用巴豆半兩炒黃去巴豆不用

蘿蔔子

炒

舶上懷香

壹兩炒

莪茂

木香

滑石

各半兩

右為細末煎蔥白酒調參錢壹服愈甚者不過再服

三腕散

治中焦虛痞兩脇氣痛面目手足浮腫大

兩腸肚痛 婦科二

便秘澁兼治脚氣

大腹皮

紫蘇

沉香

乾木瓜

獨活各壹兩

白木

川芎

木香

甘草

陳皮

檳榔各叁分

右咬咀每服叁錢水壹盞煎至柒分去滓空心熱服日中再服 戊午秋在京城有一婦人中焦虛痞腹膨脹痛大便秘結六脉虛弱諸醫服藥無效予投此藥不終劑而愈

補遺局方青木香丸沉香降氣湯小烏沉湯四磨湯

皆可用

薛左金丸

一名四金丸

治肝火胸脇脹痛或發寒熱或頭

目作痛或大便不實或小便淋秘或小腹疼痛及

一切肝火之證

黃連

炒陸兩

吳茱萸

壹兩湯煮片時用

右為末粥丸白朮陳皮湯下

當歸龍薈丸

治肝經實火胸脇脹痛或大便秘結

小便澁滯凡屬肝經實火皆宜用之

當歸

龍膽艸

炒焦

梔子仁

炒

黃連

炒

黃芩

炒各壹兩

大黃

炒

兩脇腫痛
女科二

蘆薈

青黛

木香

麝香

另研五分

各伍錢

貳錢半

右為末用神麩糊丸桐子大每服貳拾丸薑湯下

補肝散

治肝腎二經氣血虧損脇脹作痛或脇脹

頭暈寒熱發熱或遍身作痛經候不調

山茱萸肉

當歸

五味子

炒杵

山藥

黃芪

川芎

木瓜

各半兩

熟地黃

自製

白朮

炒各壹錢

獨活

酥棗仁

炒各肆兩

右為末每服五錢棗水煎服

腰痛

藥隱老人論曰夫腎主於腰女人腎藏繫於胞絡若
腎氣虛弱外感六淫內傷七情皆致腰痛古方亦有
五種之說如風腰痛宜小續命湯加桃仁杜仲煎服
脾胃氣痞及寒濕腰痛宜五積散雜病中寒加桃仁如虛
損及五種腰痛服青娥丸雜病腰痛神應丸全上皆可用
也如氣滯腰痛服如神湯必効 薛陳無擇先生云
若形體虛羸面色黧黑腿足痿軟不能行立此失志
所為也腹急脇脹目視眈眈宗筋弛縱白淫下注此
鬱結所為也肌肉不仁飲食不化腸胃脹滿閉墜腰

內用... 婦科... 百五

脇此憂思所為也皆屬內若腰冷作痛身重不渴小

便自利飲食如故因勞汗出腰悽脇痛或墜墮血滯

或房勞精竭皆屬不內外因也竊謂前證失志腎虛

熱者六味丸雜病虛勞腎虛寒者八味丸雜病虛勞鬱怒傷肝

實用龍膽瀉肝湯雜病淋虛用六味丸補肝散雜病腰痛憂

慮傷脾者歸脾湯雜病健忘逍遙散調經腎着者寒則朮附

湯雜病傷濕虛則腎着湯全上腰膝痛者寄生湯養腎散

雜病腰痛瘀血滯者如神湯舒筋散房勞腰痛者青娥丸

十補丸見前虛勞一婦人腰痛三年矣每痛必面青頭

暈目緊余以為肝脾氣虛用補肝散而愈三年後因

勞役患頭痛兼惡心用補中益氣湯雜病傷勞倦加茯苓

半夏蔓荊子而愈一婦人苦腰痛數年不愈余用

白朮一味大劑服不三月而痊乃胃氣虛閉之證故

用白朮也

如神湯 治男子婦人氣虛腰痛一方有杜仲無當歸

玄胡索 當歸去蘆 桂心等分

右為細末每服參錢溫酒調下甚者不過數服

獨活寄生湯 夫腰痛者皆由腎氣虛弱卧冷濕地

當風所得不時速治喜流入脚膝為偏枯冷痺緩

弱疼重或腰痛拘攣脚膝重痺宜急服之

百五

獨活 參兩

桑寄生

續斷

杜仲 炒去絲

北細辛

川牛膝

秦艽

茯苓

白芍藥

桂心

川芎

防風

人參

熟地黄

當歸 各貳兩

右咬咀每服參錢水壹錢煎至七分去滓溫服空心氣虛下利除地黄并治新產腹痛不得轉動及腰脚攣痛痺弱不得屈伸此藥最能除風消血肘後有附子故無寄生人參當歸粉草近人將治歷節風脚氣流注亦効

舒筋散 治腰痛神効閃挫亦良

玄胡索 炒

杜仲 薑汁炒

官桂 去粗皮

羌活

芍藥 各等分

右為末酒調下貳錢

又方 橘核炒香研酒去粗下青木香丸 方見

又方 天羅布瓜子仁炒焦搗酒熱服留查炒熟封

痛處効

腰脚疼痛

夫腎主於腰脚女人腎臟繫於胞絡若勞傷腎氣虛弱而風冷客於胞絡邪氣與真氣交爭故令腰脚疼痛也治當以補元氣為主佐以祛邪之劑 薛前證若真陽衰敗寒邪乘襲手足俱冷頭痛惡寒或嘔吐腹痛等證宜用本方若氣血虛弱寒邪所感惡寒發熱頭痛作渴或嘔吐腹痛等證宜用五積散雜病中寒若元氣虛弱濕熱所傷兩脛腫痛寒熱身疼或嘔吐不食等證宜用檳蘇敗毒散雜病傷濕若脾胃虛弱元氣下陷寒熱嘔吐發熱頭痛喘渴體倦等證宜用補中益

氣湯

雜病傷勞倦

若足三陰精血虧損陰火內動內熱痛

熱作渴痰甚小便頻數等證宜用六味地黃丸

雜病虛勞

若足三陰陽氣虛敗惡寒發熱手足俱冷吐痰不食

二便滑數等證宜用八味地黃丸

雜病虛勞

一婦人先

腰胯作痛後兩腿亦痛余以為足三陰虛寒外邪所

傷用小續命湯及獨活寄生湯或作或止所用飲食

極熱腹中爽快余曰邪氣去而元氣虛寒也診其脉

果沉細用養腎散

本條

漸愈又用十補丸

虛勞

而痊

一婦人所患同前但發熱作渴喜冷飲食脉洪數

按之遲濇余以為血虛有熱用羚羊角散

身體痛

去檳

榔加白朮茯苓數劑更用加味道遙散

結核

而瘥

一婦人患前證時或腿膝作痛脉浮數按之遲緩此元

氣虛而風濕所乘用獨活寄生湯頓愈又用八珍湯

而安 一婦人因怒患前證寒熱往來口苦不食晡

熱內熱余以為肝火血虛先用小柴胡湯加山梔頓

愈又用加味道遙散而瘳

一婦人患前證寒熱頭

痛殊類傷寒此寒邪之證用檳蘇敗毒散而安又用

補中益氣調補而愈

虎骨丸 治婦人血風攻注腰脚骨節疼痛不可忍

虎脛骨

酥炙

敗龜

酥炙

檳榔

腰脚疼痛
女科二

牛膝 酒浸各壹兩

當歸 去蘆炒

川大黃 炒

木香

桃仁 浸炒

海桐皮 各柒錢半

防風 去蘆義

附子 炮去皮臍

赤芍藥

桂心

血竭

沒藥 另研

地龍 去土炒各半兩

右為細末煉蜜和搗三五百下丸如梧桐子大每

服參拾九空心食前温酒下日貳服

仙靈脾散 治婦人血風攻注腰脚疼痛

仙靈脾

桃仁 麩炒

檳榔 各壹兩

羌活 去蘆

海桐皮

牛膝 酒浸

當歸 去蘆炒

芩薊

骨碎補

玄胡索

桂心

枳殼 去瓤炒

木香

菴藺子 各柒錢半

蚘蚋 炒半兩

麝香 另研貳錢半

右為細末每服貳錢食前用豆淋酒調下日進二

服

藁本散 治婦人血風流注腰脚疼痛不可忍

藁本 去蘆土壹兩半

狗脊

天麻

骨碎補

桂心

沒藥 另研

血竭 研

蟬殼 微炒各壹兩

虎脛骨 醋炙

腰脚疼痛

女科二

百七

用... 藥...

敗龜 醋炙 穿山甲 各貳兩 醋炙 麝香 半兩 另研

右為細末入麝香拌勻每服貳錢生薑豆淋酒調下空心食前日二服

敗龜散 治婦人風毒流注腰脚疼痛行步艱難

敗龜 酥炙 虎脛骨 酥炙 各貳兩 白僵蠶 炒

薏苡仁 當歸 去蘆 杜仲 剉炒去絲 各壹兩

地龍 炒去土 桂心 乳香 另研 各貳錢半

沒藥 半兩 另研

右為細末每服貳錢食前温薄荷酒調下

骨碎補散 治婦人血風氣攻腰脚疼痛腹脇拘急

並宜服之

骨碎補 炒 草薢 酒浸 牛膝 酒浸

桃仁 麩炒 海桐皮 當歸 去蘆

桂心 檳榔 各壹兩 赤芍藥

附子 炮去皮 齏 川芎 各柒錢 半 枳殼 半兩 去穰 麩炒

右為呖咀每服五錢水一大盞半生薑參片棗壹枚煎至一大盞去滓温服

附子散 治婦人腰脚積年疼痛不瘥

附子 炮去皮 臍 桂心 沒藥 另研

威靈仙 乾漆 炒去煙 牛膝 酒浸 各壹兩

要知... 百五十五

右為細末每服貳錢温酒調下食前日進二服
養腎散 治腎經虛弱風寒所侵以致腰脚疼痛不
能步履

蒼朮

壹兩

乾蝎

叁錢

天麻

草烏頭

炮去皮尖

黑附子

炮去皮臍各貳錢

右為末每服壹錢酒調服麻痺少時隨愈孕婦勿
服此治風寒傷腎膀胱虛寒之良藥用之得宜殊
有神効

臂痛

大夫婦人臂痛筋脉攣急不得屈伸遇寒則劇由肝
虛為風寒邪氣流於血脉客於經絡搏於筋筋不榮
則乾急而痛其脉緊細宜服栝子仁丸舒筋湯若臂
痛不能舉或左或右時復轉移一臂由中腕伏痰脾
氣滯而不行上與氣相搏四肢皆屬於脾脾氣滯而
氣不下上攻於臂故痛其脉沉細宜茯苓丸控涎丹
薛前證若肝血虛用加味道遙散中氣虛用補中
益氣湯血氣俱虛用八珍湯風熱血燥用秦艽地黄
湯脾腎虛寒用栝子仁丸脾胃實熱用茯苓丸水不

能生木用六味丸道遙散怒動肝火用小柴胡加川
芎當歸眩暈嘔熱用四物柴梔丹皮晡熱月經不調
用加味道遙散食少體倦無寐盜汗用加味歸脾湯
先太宜人徧身作痛筋骨尤甚不能屈伸口乾目
赤頭眩痰壅胸膈不利小便赤短夜間殊甚遍身作
痒如蟲行此屬肝腎氣虛而熱也用六味地黄丸料
加山梔柴胡而愈

栝子仁丸指迷

栝子仁

乾地黄

各貳兩自製

茯苓

枳殼

去穰麩炒

覆盆子

炒

北五味子

杵炒

附子

炮

石斛

去根切酒蒸炒

鹿茸

酥炙

酥棗仁

炒

桂心

沉香

黃芪

蜜水炙各壹兩一方云等分

右為細末煉蜜為丸如梧桐子大空心酒下參拾
九

舒筋湯

治臂痛又名五痺湯亦治腰下疾

片子薑黃

肆兩

甘草

羌活

各壹兩

白朮

海桐皮

當歸

赤芍藥

各貳兩

右為粗末每服參錢水一盞半煎七分去滓溫服

如腰以下疾空心服腰以上疾食後服

茯苓丸 治臂痛不能舉手或左或右時復轉移由

伏痰在內中腕停滯脾氣不行上與氣搏四肢屈

脾脾滯而氣不升故上行攻臂其脉沉細者是也

後人謂此臂痛乃痰證也用治痰無不効者予

嘗以此藥治人隨服隨愈世所謂痰藥多矣未有

立効如茯苓丸速也

茯苓 壹兩 半夏 貳兩

枳殼 半兩去穢麩炒

風化朴硝 半兩

右為末薑汁煮糊丸如梧子大生薑湯下貳拾丸

食後服

控涎丹 凡人忽患胃背手足頸項腰胯隱痛不可

忍連筋骨牽引釣痛坐卧不寧時時走易不定俗

醫不曉謂之走疰使用藥及針灸皆無益又疑是

風毒結聚欲為癰疽亂以藥貼亦非也此乃痰涎

伏在心膈上下變為此疾或令人頭痛不可舉或

神意昏倦多睡或飲食無味痰唾稠粘夜間喉中

如鋸聲多流唾涎手脚重腿冷脾氣脉不通誤認

為癰瘰亦非也凡有此疾但以此藥不過數服即

愈

脾胃痛

甘遂 去心

大戟 去皮

真白芥子 炒各等分

右為細末糊丸如梧桐子大臨卧淡薑湯下五七丸如疾猛再加至十九

白芥子散 治臂痛牽引背脚或輟或作由榮衛循行失度痰滯經絡或似癱瘓

真白芥子

木鼈子

各參兩 麩炒

沒藥

另研

桂心

木香

各半兩

右為末每服壹錢溫酒下 愚按前三方脾氣虛

弱者必佐以六君子湯中氣虛弱者必佐以補中益氣湯氣血虛者必佐以八珍湯脾氣鬱滯者必

佐以歸脾湯肝經怒氣者必佐以逍遙散若專用前方治之胃氣益虛病氣益甚不可不謹

流氣飲 治七情氣滯胸脇悶痞咽喉不利嘔喘面

浮二便不調或氣攻肩背脇肋作痛或脚氣喘急腹脹便閉元氣充實者宜用此藥慎之

紫蘇葉

黃芪 炒

青皮 去白

當歸

半夏

薑製

烏藥

芍藥 炒

茯苓

桔梗

防風 各伍錢

川芎

陳皮

各柒錢 伍分

枳實 麩炒

木香

各貳錢 伍分

甘草

炙壹兩 貳錢半

大腹子

薑製壹兩

右每服半兩薑棗水煎服

四物湯 治血滯中風血虛手足不遂如臂痛加紅

花煎

交加散加木瓜牛膝治冷痺肩臂作痛即人參敗毒

和五積散

烏藥順氣散加羌活木瓜治外邪氣滯筋骨作痛或

痰氣不利

方見雜病中氣

秦艽地黃湯 治肝膽經風熱血燥肩臂疼痛或筋

脉引急或時牽痛其內證發熱或寒熱晡熱月經

不調或肢體酸痛等證

秦艽

熟地黃

自製

當歸

各壹錢

川芎

芍藥

牡丹皮

白朮

茯苓

各壹錢伍分

釣藤鈎

壹錢

柴胡

甘草

炙各叁分

右水煎服

脚氣

陳臨川云凡頭痛身熱肢節痛大便秘或嘔逆而脚
 屈弱者脚氣也輕者可與香蘇散加木瓜檳榔生薑
 煎服然後隨證治之要知有脚氣之人先從脚起或
 先緩弱疼痺或行起忽倒或兩脛腫滿或脚膝枯細
 或心中忪悸或小腹不仁皮頑不知疼痛或舉體轉
 筋或見食嘔逆惡聞食氣或胃滿氣急或遍體酸痛
 皆脚氣之候黃帝所謂緩風濕痺是也頑弱為緩風
 疼痛為濕痺寒中三陽所患必冷小續命湯主之煎成
 然人生薑自暑中三陰所患必熱小續命湯去附子減

却風

女科

百

桂一半主之大煩躁者紫雪最良若無紫雪以百合薄荷煎冷水調服極妙大便秘者脾約丸麻仁丸三和散主之仍針灸為佳服補藥與湯淋洗皆醫家之大禁也 夫婦人脚氣與丈夫不同男子則腎臟虛弱為風濕所乘女子以胞絡氣虛為風毒所搏是以胞絡屬於腎也腎主於腰脚又肝脾腎三臟經絡起於足十趾若臟腑虛損則風邪先客於脚從下而上動於氣故名脚氣也此皆由體虛或當風取涼或久坐卑濕或產後勞損或恚怒悲傷肝則心氣不足致月候不通因其虛傷風毒傳入筋骨則令皮膚不仁筋骨疼痛肢體不隨筋脉拘攣或時冷疼或發腫滿或兩脚痺弱或舉體轉筋目眩心煩見食嘔吐精神昏憤肢節煩疼小便赤黃大便秘澀如此證候其婦人脚氣療之與丈夫不同以其氣血不調胎妊產損傷之是以療寡婦及尼與妻妾殊別即其義也 薛巖用和先生云前證初患不覺因他病乃發先從脚起或緩弱痺痛不能行履或兩脛腫滿或足膝細小或心中怔忡或小腹不仁或舉體轉筋或見食作嘔或胸滿氣急徧體酸痛其脉浮而弦者因於風濡而弱者因於濕洪而數者因於熱遲而濇者因於寒男

脚氣

女科

子由於腎氣虧損女子血海虛弱七情所致竊謂前
 證若足三陰虛弱用還少丹雜病若脾氣虛寒用八
 味丸雜病若飲食停滯鬱腿浚脹浮腫作痛此脾氣
 下陷用六君子雜病少加柴胡升麻不應須用八味
 丸若發熱口渴月經不調兩腿無力此足三陰血虛
 火燥用六味八味二丸兼服前證西方之人多患之
 因素食乳酪脾胃壅滯脛足腫滿至於南方亦有因
 膏粱厚味濕熱下注而患者故古人謂之壅疾所用
 之方多疎通發散之劑然感於房勞過度虧損三陰
 治法又當以固本為主故六物附子為元氣虛弱寒

邪內侵之聖藥

大腹皮散 治婦人風毒脚氣肢節煩疼心神昏悶

並宜服之

大腹皮

桑白皮

木通去皮

羌活去蘆

赤芍藥

荆芥

獨活去蘆

青橘皮去白

乾木瓜各壹兩

枳殼去麩炒

紫蘇葉各貳兩

右咬咀每服八錢水壹中盞半生薑五片蔥白七
 寸煎至壹大盞去滓食前溫服

紫蘇飲 治婦人風毒脚氣心腹痞塞痰飲停積不

脚氣

女科

百六十三

思飲食脚重虛腫

紫蘇葉

木通 去皮

茴香

桑根白皮 各壹兩

獨活 去蘆

羌活 去蘆

乾木瓜

青橘皮 去白

甘草 炙各半兩

大腹皮 半兩

枳殼 去瓢炒貳兩

荆芥 半兩

右咬咀每服八錢水一大盞半生薑五片連鬚蔥

白壹莖煎至一大盞去滓溫服不拘時日進二服

四白散 治男子婦人血虛發熱夜多盜汗不進飲食四肢羸瘦筋脉拘攣脚痛不能行立

黃芪 去蘆

厚朴 薑製

益智仁

陳皮 去白

藿香

白扁豆

白朮 去蘆各壹兩

白茯苓 去皮

白豆蔻仁

人參 去蘆

甘草 炙

天台烏藥 各半兩

芍藥 壹兩半

檀香

沉香 各貳錢半

右為細末每服參錢水壹盞生薑參片棗子壹枚煎至七分和粗溫服日進二服諸證減退只有脚攣痛不能行服蒼朮丸治之

蒼朮丸 大治乾濕脚氣筋脉拘攣疼痛不能行履

兼補下部

乳香 另研

沒藥 各貳錢另研

川牛膝 酒浸

西月丹
女科

青鹽各半兩 熟艾肆錢米攪 全蝎壹錢

川烏頭叁錢炮

右件為細末入研藥令勻用大木瓜壹枚切一頭
留作蓋去穢入上件藥於木瓜內將蓋簽定安於
黑豆中蒸令極爛取出去皮連藥研成膏却入生
蒼木末不以多少拌令得所丸如梧桐子大每服
五十丸空心用木瓜湯下或溫鹽酒亦得日進三
服忌血與蒜

餘證方論並詳雜病本門

癩疹瘡痒

天夫婦人體虛為風邪氣客於皮膚復傷風寒所以
則發風瘡癩疹若赤疹者由寒濕客於肌中極熱熱
結則成赤疹也得大熱則發取冷則瘡也白疹者由
風氣客於肌中熱熱與風相搏則成白疹也得天陰
雨寒則發出風傷亦發得晴煖則減著衣煖亦瘡肌
浮而洪浮即為風洪則為氣風氣相搏則生癩疹身
體瘙痒凡人汗出不可當風露卧及浴後出早使人
身振寒熱以生風疹也 藥隱老人云治婦人遍身
時發瘙痒或赤腫癩疹五心煩熱血風攻疰與人參

癩疹疔毒
女科二
百三十五

荆芥散虛勞血風消風散雜病頭痛四物湯通治加荆芥或人參

當歸散或逍遙散兼服導赤丸如不通者食後服皂

角丸氣虛老人不可久服如服皂角丸不退者此凝

滯熱甚者宜先服青木香丸三兩服以開氣道服疾

藜散立効 薛前證有身發疙瘩或如丹毒痒痛不

常或膿水淋漓發熱煩渴或頭目昏眩日晡益甚或

寒熱發熱月經不調皆肝經風熱血燥用加味道遙

散調經為主佐以四君芎歸若忿怒身發疙瘩痛痒寒

熱乃肝火血燥用加味小柴胡湯熱入血室氣血俱虛用

八珍加柴胡牡丹皮若夜間發熱作渴譫語乃熱入

血室用小柴胡湯加生地黃血虛四物合小柴胡後

用加味道遙散調理若鬱結食少體倦內熱晡熱乃

脾經血燥用加味歸脾湯寒熱加山梔熟地黃若遊

走搔痒乃血風走注用何首烏散血虛逍遙散風熱

消風散若專用風藥復傷陰血必致筋攣等證 一

婦人身發疙瘩或如丹毒痒痛不常搔碎成瘡膿水

淋漓發熱煩渴頭目眩暈日晡益甚此血虛內熱之

證也以當歸飲加柴胡山梔仁治之而愈 一婦人

患前證肢體疼痛頭目不清自汗盜汗月水不調肚

腹作痛食少倦怠先用人參荆芥散後用逍遙散治

三
卷
六
三

之而痊 一婦人因忿怒身發疙痞憎寒發熱余謂
肝火用小柴胡湯加山梔黃連治之而愈後口苦脇
痛小便淋瀝復用前藥全愈 一婦人患前證發熱
夜間譫語此血分有熱以小柴胡湯加生地黄治之
而安後用四物加柴胡山梔丹皮而熱退又用逍遙
散全愈 一室女年十四歲天癸未至身發赤癩痒
痛左關脉弦數此因肝火血熱以小柴胡湯加山梔
生地黄牡丹皮治之而愈若因怒而致者又當治以
前藥

何首烏散 治婦人血風皮膚瘙痒心神煩悶及血

風遊走不定並宜服之

何首烏

防風

白蒺藜

枳殼

天麻

殭蠶

胡麻

羌蔚子

蔓荆子各等分

右為細末每服貳錢煎茵陳湯調下無時

蒺藜散 治婦人風瘙皮膚中如蟲行及生癩疹搔
之作瘡面腫心煩並宜服之

白蒺藜炒

莽艸炒

麝羊角屑各柒錢半

黃芩

人參去蘆

苦參去蘆

蛇床子

秦艸去蘆

防風去蘆

西丹... 治疹瘡... 女科... 頁七

麻黃 去節

當歸 炒去蘆

甘草 炙

枳殼 麩炒去穢

細草 去苗各半兩

右咬咀每服五錢水壹中盞半煎至壹大盞去滓
溫服不拘時日進二服

治婦人風痒癩疹不瘥

蒼耳花葉子 各等分

右為細末每服貳錢豆淋酒調下不拘時候日進

二服

治癩疹

右用白蜜不以多少好酒調下已試有驗

治皮膚有風熱遍身生癩疹

牛蒡子

水煮壹兩淨晒乾炒令香

浮萍

蒸過焙乾等分

右為細末每服貳錢薄荷湯調下日二服

又治風氣客於皮膚搔之不已

蟬蛻 洗

大葉薄荷

右等分為細末每服貳錢溫酒調下無時

又方

露蜂房

洗過蜜炙令焦 蛇蛻 洗炙令焦

右為細末每服壹貳錢溫酒調下不拘時

治婦人風癢癩疹身痒不止宜用淋瀝方

外科證治準繩卷之二

馬藺

芫蔚子

白礬

白蒺藜

茵芋

羊桃根

凌霄花

各貳兩

蒴藿根

葶藶葉

各壹兩

右以咀以水貳斗煮取壹斗去粗於避風處洗之

又方

凌霄花

叁兩

蒴藿根

半斤

右件藥以水七升煮取叁升濾去滓入白礬末貳兩攪勻以綿漬頻拭於疹上後煮槐柳湯浴之

又方

以醋漿水磨白礬塗之

外科證治準繩卷之二

